

1. ხელშეკრულებაში გამოყენებული ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, რომლებზეც ხელშეკრულებაში არის მინიშნებები.
- 1.2 „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულება), რომელიც ახორციელებს შესყიდვას;
- 1.3 „მიმწოდებელი“ - იურიდიულ ან ფიზიკურ პირი, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5 „დღე“, „კვირა“, „თვე“ - კალენდარულ „დღე“, „კვირა“, „თვე“.

2. ხელშეკრულების დამდები მხარეები

ერთის მხრივ, სსიპ – დავით აღმაშენებლის სახელობის საქართველოს ეროვნული თავდაცვის აკადემია, მის: ქ. გორი, ცხინვალის გზატკეცილი მე-3კმ. საიდენტიფიკაციო კოდი: 218083222; სახელმწიფო ხაზინა კოდი: TRESGE22; წარმოდგენილი რექტორის მოადგილე-შტაბის უფროსის პ-კი იმედა გვრიტიშვილი სახით (შემდგომში „შემსყიდველი“) და

მეორეს მხრივ შპს პოლიგრაფი, მისამართი: ქ. თბილისი, ყაზბეგის 24 გ. საიდენტიფიკაციო კოდი: 211348460, მომსახურე ბანკი: სს „თიბისი ბანკი“, ბანკის კოდი: TBCBGE22, ა.ა.: GE57TB7945436080100007; წარმოდგენილი დირექტორის გოჩა კამკამიძეს სახით (შემდგომში „მიმწოდებელი“).

3. ხელშეკრულების საგანი

ხელშეკრულების საგანს წარმოადგენს, სსიპ – დავით აღმაშენებლის სახელობის საქართველოს ეროვნული თავდაცვის აკადემიის მიერ ელექტრონული ტენდერის საშუალებით (NAT210004836) სტამბის ინვენტარის შესყიდვა დანართის შესაბამისად (CPV42991000).

4. ხელშეკრულების ღირებულება

ხელშეკრულების ღირებულება შეადგენს 26249 (ოცდაექვსიათას ორას ორმოცდაცხრა) ლარს, შესყიდვის ობიექტის მიწოდებისთვის საჭირო ხარჯებისა და საქართველოს კანონმდებლობით დადგენილი შესაბამისი გადასახადების გათვალისწინებით. ერთეულის ფასები განისაზღვრება დანართის შესაბამისად.

5. მხარეთა უფლება-მოვალეობანი

- 5.1 მიმწოდებელი ვალდებულია წინამდებარე ხელშეკრულების მე-3 მუხლში მითითებული შესყიდვის ობიექტის მიწოდება უზრუნველყოს შემსყიდველის მოთხოვნიდან 60 კალენდარული დღის განმავლობაში.
- 5.2 შემსყიდველი ვალდებულია აუნაზღაუროს მიმწოდებელს ხელშეკრულების მე-4 მუხლში მითითებული თანხის ფარგლებში, ფაქტიურად მიწოდებული შესყიდვის ობიექტის ღირებულება, ხელშეკრულების მე-9 მუხლის შესაბამისად.
- 5.3 შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.
- 5.4 მიმწოდებელი არ აგებს პასუხს შემსყიდველის მიერ მესამე პირის მიმართ ნაკისრ ვალდებულებებზე.

6. ხელშეკრულების შესრულების კონტროლი და მიღება-ჩაბარების წესი

6.1. მიმწოდებლის მიერ წინამდებარე ხელშეკრულებისა და მასში შემავალი დოკუმენტების პირობების შესრულებაზე აკადემიის მხრიდან კონტროლს განხორციელებს აკადემიის უზრუნველყოფის სამსახურის უფროსი ან მისი მ.შ..

6.2 კოორდინატორის ფუნქციაა მისაწოდებელი ან/და მიწოდებული შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა.

6.3 შემსყიდველი ორგანიზაციის მიერ შესყიდვის ობიექტის მიღება ხდება მხოლოდ მიღება-ჩაბარების გაფორმების საფუძველზე, რომელსაც ამზადებს და ხელს აწერს ხელშეკრულების კოორდინატორი.

6.4 ხელშეკრულების პირობების შესრულების კონტროლის განხორციელება შესაძლებელია საქონლის მიწოდების პარალელურად.

6.5 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

6.6 ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

6.7 შესყიდვის ობიექტი მიწოდებულად ჩაითვლება მიღება-ჩაბარების აქტის გაფორმების შემდეგ.

7. ინტელექტუალურ საკუთრებასთან დაკავშირებული უფლებები

მხარეები ვალდებული არიან დაიცვან ინტელექტუალურ საკუთრებასთან დაკავშირებული უფლებებით გათვალისწინებული უფლებები.

8. გარანტია

შესყიდვის ობიექტზე უნდა ვრცელდებოდეს არანაკლებ 24 თვიანი საგარანტიო პერიოდი (საგარანტიო პერიოდის ათვლა იწყება მიღება-ჩაბარების აქტის გაფორმებიდან). საგარანტიო ვადის განმავლობაში, შემსყიდველის წარმომადგენლ(ებ)ის მიერ წუნის გამოვლენის შემთხვევაში, მიმწოდებელი ვალდებულია, შემსყიდველის მიერ განსაზღვრულ გონივრულ (მაგრამ არაუმეტეს 20 სამუშაო დღე) ვადაში მოახდინოს წუნდებული ნივთის შეცვლა ახლით. საქონლის წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ. საგარანტიო პირობებით განსაზღვრული მოთხოვნები, ძალაში მთელი საგარანტიო ვადის განმავლობაში, მიუხედავად ხელშეკრულების მოქმედების ვადისა.

9. ანგარიშსწორება

9.1 ანგარიშსწორების ფორმა უნადდო ანგარიშსწორება ეროვნულ ვალუტაში.

9.2 ანგარიშსწორება განხორციელდება პერიოდულად, ფაქტიურად გაწეულ მომსახურებაზე მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში.

10. ხელშეკრულებაში ცვლილებების შეტანა

10.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.3 ხელშეკრულების პირობების ნებისმიერი ცვლილება უნდა გაფორმდეს წერილობითი სახით, რომელიც ჩაითვლება ხელშეკრულების განუყოფელ ნაწილად.

11. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

12. სუბკონტრაქტორები

12.1 იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

12.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს მისი გაფორმებიდან ერთი კვირის ვადაში.

12.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

13. ფორს-მაჟორი

13.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

14. მხარეთა პასუხისმგებლობა ხელშეკრულების პირობების დარღვევისათვის

14.1 სახელმწიფო შესყიდვის შესახებ ხელშეკრულების მოქმედების პერიოდში მიმწოდებლის მხრიდან ხელშეკრულების 5.1. პუნქტით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02% ოდენობით, მაგრამ არაუმეტეს ხელშეკრულების საერთო ღირებულების 6%-ისა.

14.2 სახელმწიფო შესყიდვის შესახებ ხელშეკრულების მოქმედების პერიოდში „შემსყიდველი“ მხრიდან ხელშეკრულების 5.2 და 9.2. პუნქტით გათვალისწინებული ვადების დარღვევის შემთხვევაში მას დაეკისრება პირგასამტეხლო ყოველ ვადაგადაცილებულ დღეზე ასანაზღაურებელი თანხის 0.02% ოდენობით, მაგრამ არაუმეტეს ხელშეკრულების საერთო ღირებულების 6%-ისა.

14.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული

შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ 10 სამუშაო დღით ადრე.

15.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15.4 ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

15.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

16. დავების გადაწყვეტის წესი

16.1 ხელშეკრულების დამდეგი მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

16.2 თუ მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

17. კონფიდენციალურობა

17.1 მხარეები ვალდებული არიან დაიცვან იმ ინფორმაციის კონფიდენციალურობა, რომელიც ცნობილი გახდება მათთვის საქმიანი ურთიერთობისას.

17.2 კონფიდენციალურობის დაცვის აღნიშნული მოვალეობა ძალაში რჩება წინამდებარე ხელშეკრულების შეწყვეტის შემდეგაც.


18. ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2021 წლის 30 დეკემბრის ჩათვლით.

19. სხვა პირობები

ხელშეკრულება შედგენილია ქართულ ენაზე ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერ მხარეებთან.

სსიპ – დავით აღმაშენებლის სახელობის
საქართველოს ეროვნული თავდაცვის აკადემიის
რექტორის მოადგილე-შტაბის უფროსი



პ.კი იმედა გვრიტიშვილი

შპს პოლიგრაფის დირექტორი

გოჩა კამკამიძე

ხელშეკრულების დანართი

№	მწარმოებელი ქვეყანა, მწარმოებელი კომპანია, მოდელი	საქონლის დასახელება	ტექნიკური მახასიათებელი	ზომის ერთეული	რაოდენობა	ერთეულის ფასი	საერთო ღირებულება
1	1 ჩინეთი-Bowey ST 100	ელექტრო სტეპლერი	აკინძვა გვერდიდან და გაკეცვის ზოლზე-უსაფრთხოების სისტემა,ელექტროპედალი, დარტყმის ძალის რეგულირება.აკინძვის სისქე: 40 ფურცელი.კავების რაოდენობა კასეტაში: 210 ც.კავების ტიპი: 66/6, 66/8	ცალი	1	1000	1000
2	ჩინეთიRecoSystems RL 39S	რულონური ლამინატორი	ცივი და ცხელი ლამინაცია, ორმხრივი და ცალმხრივი მაქს. ლამინაციის სიგანე: 380 მმ ლამინირების სისქე: 25-250 მიკრ გაცხელების დრო: 10 წუთი ქაღალდის სისქე: 2 მმ სიჩქარე: 9 საფეხური: მაქს: 4,5 მ/წ ტემპერატურა: 120°C და ზემოთ	ცალი	1	11819	11819
3	ჩინეთი-Bowey HCP460	დასანარმანებელი ხელის დანადგარი	მაქს. სამუშაო სიგანე 460 მმ; მაქს. ქაღალდის სისქე 400 გრ/მ2; მაქს. ბეგოვკის კუთხე 90 ° ; ბეგოვკის სიგანე 1.2 – 1.8 მმ; მაქს. პერფორაციის კუთხე 90 °C; მაქს. პერფორაციის სიგანე 460 მმ; მაქს. ქაღალდის სისქე პერფორაციის 400-მდე გრ/მ2	ცალი	1	3150	3150
4	ჩინეთი-Bowey BW-JB-2	თერმოსაკინძი	მცირე ზომის მაგიდის ტიპის. მაქს. ქაღალდის ზომა: 180-მდე მინ. წიგნის სისქე: 0,1 მმ, მაქს. წიგნის სისქე: 40 მმ წიგნის მაქს. ფორმატი: 420 x 297 მმ ყდის მაქს. სისქე: 400 გ/მ2 წარმადობა: 160 წიგნი/საათში გაცხელების ტემპერატურა: 30 წუთი. პრესი მაგნიტური ფიქსატორით, მაგარი ყდის წნეხი.	ცალი	1	3380	3380
5	გერმანია IDEAL 430S	მექანიკური საჭრელი	წნეხი რეგულირებადი. მაგიდის უკანა მხარის ჭრის სიღრმე: 430 მმ, სიგრძე: 430 მმ,სისქე: 40 მმ ჭრის . მინ. ჭრის ზომა: 35მმ სიზუსტე: 0,5 მმ, ფოლადის დანა	ცალი	1	6900	6900
საერთო ღირებულება 26249 ლარი							

სსიპ – დავით აღმაშენებლის სახელობის საქართველოს ეროვნული თავდაცვის აკადემიის რექტორის მოადგილე, შტაბის უფროსი


პ-კი რიქედა გვრიტიშვილი

შპს პოლიგრაფის დირექტორი

გოჩა კამკამიძე

ვადასტურებ, რომ შესყიდვაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და მიმწოდებელთან არ ვიმყოფები ინტერესთა კონფლიქტში.

შესყიდვების სამმართველოს უფროსის მ.შ.



არჩილ ცეცხლაძე

ფინანსების მართვის სამმართველოს უფროსი



გიორგი მინდიაშვილი

იურუდიული სამმართველოს უფროსი



თამარ სამაგლიშვილი

უზრუნველყოფის სამსახურის უფროსი



ვ/პ-კი დავით დათუნაშვილი